



Publicaziuns officialas dils 21-06-2019

Avis dall'administraziun communal

Sur Sontgilcrest resta l'administraziun communal serrada naven da mesjamna, ils 19 da zercladur 2019 allas 17.00 uras entochen gliendisdis, ils 24 da zercladur 2019 allas 08.00 uras. Bien engraziament per Vossa capientscha.

Sumvitg, 21-06-2019

Administraziun communal

Invitaziun alla sera dallas portas aviartas

Project „habitar@giuven“

Cun la fin zercladur 2019 vegnan la lavurs dil project habitar@giuven terminadas. Bugen envida la suprastonza communal convischins e convischinas dalla vischnaunca Sumvitg alla sera dallas portas aviartas, che ha liug, venderdis ils 28-06-2019 naven dallas 19.00 uras.

Allas 20.00 uras vegn igl architect Patrick Rothmund dil biro spacial design a presentar las ideas ed il concept dil project habitar@giuven. La suprastonza communal selegra sin Vossa viseta.

Sumvitg, 21-06-2019

Suprastonza communal Sumvitg

Uniun da pescadurs Sumvitg

La pesca comunabla dil lag da Laus ha liug sonda, ils **22 e dumengia, ils 23 da zercladur**. Sche l'aura lubescha celebrescha il diacon Guido Tomaschett la dumengia allas 11.30 in survetsch divin dil plaid. Ustria cun gril sil plaz. Envidaus ei in e scadin. Il carrar cun vehichels tochen sil Bostg ei lubiu naven da sonda, ils 22 da zercladur allas 7.00 tochen dumengia, ils 23 da zercladur allas 20.00. Empustaziuns per pèschs prendein bugen encunter sut 078 612 11 35. Cordialmein envida *Uniun da pescadurs Sumvitg*

Apparat d'udida

Gliendisdis, ils 1 da fenadur 2019 saveis Vus schar schubergiar e rugalar Vies aparat d'udida:

9.15–10.30 en Casa sogn Martin a Trun

11.00–11.45 en Casa sogn Giusep a Cumpadials

13.15–14.30 el Puntreis, Center da sanadad a Mustér

Las firmas Amplifon cun dunna Roffler e Jäggi cun signur Gfeller surprendan comunablamein quei survetsch gratuit per tuts interessents. Ei drova negina annunzia.

Fiasta da stad en Casa s. Martin, Trun

Sonda, ils **22 da zercladur** envida la Casa s. Martin, Trun, parents ed enconuschents da nossas cussadentas e cussadents sco era vischinas e vischins dalunsch e damaneivel all'usitada fiasta da stad cun grillada, buffet da salata e dessert. L'occurrentza ha liug denter las 11.00 e las 16.30. Vossa viseta fagess a nus grond plascher, seigies beinvegni.

Meinacasa e persunal

poly.kids

Anmeldung siehe Gemeinde Ilanz/Glion